

**STATUTI**  
**i Shoqërisë "MET KONSTRUKSION" Sh.p.k.**

Sot, më datë 08/07/2024, ne Tirane ,nga ortaku themelues:

**"MET INVEST" Sh.p.k.**, shoqëri me përgjegjësi të kufizuar, me NUIS L81310039M, me seli në: Rruga Ismail Qemali, Pallati 11, Kati 2, ne krah te Radio Televizionit Shqiptar, Tiranë, përfaqësuar nga Administratori i shoqërisë, Z. Huard Malo, në përputhje me ligjin 9901, datë 14.04.2008, "Për Tregtarët dhe Shoqëritë Tregtare" (i ndryshuar) dhe ligjit nr. 9723, dt. 03.05.2007, "Për Qendrën Kombëtare të Regjistrimit", miratohet ky statut si vijon:

**NENI 1**

**EMËRTIMI**

Emertimi I shoqerise me pergjegjesi te kufizuar **"MET KONSTRUKSION"** ,themeluar sipas së drejtës shqiptare

**NENI 2**

**SELIA**

Shoqëria ka seli në adresë: Rruga Ismail Qemali, Pallati 11, Kati 2, në krah të Radio Televizionit Shqiptar, Tiranë.

Shoqëria mund të çelë degë dhe/ose zyra përfaqësimi brenda ose jashtë Republikës së Shqipërisë, si dhe të transferojë selinë e shoqërisë në një adresë apo qytet tjetër.

**NENI 3**

**OBJEKTI**

Shoqëria ka për objekt të veprimtarisë:

- Ndertimin, studimin, projektimin dhe supervizimin te çdo lloj punimi ne fushen e ndertimit te cdo lloj kategorie, si infrastrukture, punime civile, industriale, mekanike, elektrike, hidraulike etj.
- Zbatimin e punimeve te ndertimit si:Ndertime Civile dhe Industriale, rikonstruksione godinash,veshje fasadash etj.
- Projektim dhe vlerësim gjeologjik, ambiental dhe tekniko-profesional në përgjithësi;
- Punime ndërtimore të terreneve, kanalizimeve bonifikuese, të rrugëve dhe të tjera, pa cënuar objektin kryesor të shoqërisë dhe në përputhje me legjislacionin në fuqi.
- Ndertime rruge kat.IV, V, veshje rrugesh me asfaltobeton, ndertim mbishtrese etj.
- Prodhim,shitje, blerje ,import dhe eksport te materialeve te ndertimit dhe materialeve dhe mallrave te ndryshme industriale, hidrosanitare, hidraulike, makineri-pajisje industriale, pjese kembimi te tyre.
- Transport mallrash brenda dhe jashte vendit.
- Shitje-blerje pasurish te paluajtshme.



- Administrim te qendrave te banuara, pallateve, rezidencave, qendrave tregtare etj. –
- Prodhimi i energjise elektrike perms shfrytezimit te metodave te ndryshme teknologjike, veçanerisht i metodave qe shfrytezojne burimet e rinovueshme natyrore. Shoqeria gjithashtu mund te ndertoje edhe impiantet e prodhimit te energjise elektrike, te realizoje menaxhimin, operimin, administrimin dhe shfrytezimin e tyre
- Shoqeria do te ushtroje aktivitetin e saj ne baze te autorizimeve dhe/ose lejeve perkatese te leshuara nga organet kompetente te fushes per qellime investimesh ne sektorin e ndertimit ,bujqesor/agrar/blegtori, etj me qellim komercial tregtar,residencial, etj, dhenie me qira/nenqira pronash/asete,menaxhim pronash , shitblerje real estate
- Shoqëria mund të kryejë gjithashtu të gjitha operacionet tregtare, mbi pasuri të luajtshme dhe të paluajtshme, operacione financiare, industriale, që do të vlerësohen të nevojshme apo të dobishme për realizimin e objektit të shoqërisë si dhe të blejë pjesëmarrje në kapitalin themeltar të shoqërive të tjera që kanë objekt të njëjtë, të ngjashëm apo që lidhet me të vetin
- Shoqeria ka te drejte te kryeje cdo lloj aktiviteti te parashikuar nga ligji ne perputhje me rregullat e dispozitat ne fuqi.
- Shoqëria në ushtrimin e aktivitetit të saj, do të marrë të gjitha autorizimet e lejet e nevojshme pranë institucioneve publike shqiptare, dhe do të mbështetet në rregullat dhe normat në fuqi në lidhje me ushtrimin e veprimtarisë së saj të rregullt ekonomike.


## NENI 5

### KAPITALI THEMELTAR

Kapitali themeltar është i përbërë nga kontributi në të holla i Ortakut themelues në vlerën 100,000 Lek (një qindmije) dhe është i përbërë nga 1 (nje) kuote.

Shoqeria **“MET INVEST” Sh.p.k, eshte ortake e vetme dhe** zotëron 1 kuotë, qe perben 100% të kapitalit themeltar, me 1 (një) pjesë me vlerë 100,000 (njqind mije) Lek të kapitalit themeltar.

Kapitali themeltar mund të zmadhohet nëpërmjet kontributeve të reja në para ose në natyrë, sipas vendimeve të asamblesë së ortakëve të marra më shumicat të parashikuara për ndryshimin e statutit.





## NENI 6

### PJESËMARRJET NË KAPITALIN THEMELTAR

Pjesëmarrjet e ortakëve në kapitalin themeltar përcaktohen në raport të drejtë me kontributet e tyre në kapitalin themeltar.

Të drejtat, përfshirë edhe e drejta e votës, u takojnë ortakëve në mënyrë përpjestimore me pjesëmarrjen që zotëron secili në kapitalin themeltar.

Në rast tjetërsimi të pjesëmarrjes në kapitalin themeltar, ortakët e tjerë gëzojnë të drejtën e parablerjes. Me “tjetërsim” do të kuptohet çdo akt tjetërsimi i kuotave, në kuptimin më të gjerë të fjalës, si në pronësi të plotë ashtu edhe të pjesëshme, që, në mënyrë direkte apo indirekte, sjell ndryshimin e titullit të pronësisë mbi kuotat ose të drejtat mbi to.

Ortaku që synon të tjetërsojë, tërësisht ose pjesërisht, kuotat e tij në kapitalin themeltar duhet t’i komunikojë ortakëve të tjerë nëpërmjet një letre rekomande, ofertën e marrë, duke treguar emrin e blerësit të mundshëm dhe kushtet e tjetërsimit, në mënyrë të veçantë çmimin e përcaktuar dhe mënyrën e pagesës (këtu e më poshtë Oferta).

Brenda njëzet ditëve nga marrja e komunikimit të Ofertës, ortakët e interesuar në ushtrimin e së drejtës së parablerjes duhet t’i komunikojnë ortakut që kalon të drejtat mbi kuotat, dëshirën për të ushtruar të drejtën e parablerjes, përpjestimisht me pjesëmarrjen e secilit në kapitalin themeltar dhe sipas kushteve të Ofertës, duke shprehur edhe interesin e mundshëm për blerjen e pjesës së kuotave për të cilën nuk është ushtruar e drejta e parablerjes nga ana e ortakëve të tjerë. Është i pavlefshëm çdo komunikim që nuk përmban të gjitha të dhënat e mësipërme.

Në rast se ndonjë nga personat që gëzon të drejtën e parablerjes së kuotave, nuk mund ose nuk dëshiron ta ushtrojë atë, e drejta e parablerjes që i takon zmadhohet automatikisht dhe përpjestimisht në favor të ortakëve që kanë shprehur interesin për ta ushtruar këtë të drejtë. Në rast se janë disa ortakë që ushtrojnë të drejtën e parablerjes, kuotat do të shpërndahen ndërmjet tyre në përpjestim me pjesëmarrjen e secilit në kapitalin themeltar të shoqërisë. Në rast se në letrën e komunikimit të Ofertës tregohet si blerës i mundshëm një person që është ortak, edhe atij i njihet e drejta e parablerjes, krahas ortakëve të tjerë.

Në rastin e ushtrimit të së drejtës së parablerjes, nënshkrimi i kontratës së shitjes së kuotave dhe pagesa përkatëse duhet të kryhen brenda afateve të përcaktuara në propozimin e shitjes së formuluar nga ortaku ofrues.

Nëse e drejta e parablerjes nuk ushtrohet brenda afateve të mësipërme dhe për tërësinë e pjesëmarrjes së ofruar, ortaku ofrues mund t’i transferojë kuotat e veta në favor të blerësit të treguar në komunikimin e Ofertës dhe në kushtet e parashikuara në të brenda gjashtëdhjetë ditëve të ardhshme. Në të kundërt, procedura e parablerjes duhet të përsëritet. Në rast tjetërsimi të kuotave në favor të të tretëve, pa zbatuar dispozitat e parashikuara më sipër, blerësi nuk do të legjitimohet në ushtrimin e të drejtave administrative dhe pasurore dhe tjetërsimi i kuotave nga ana e tij nuk do të prodhojë efekte ndaj shoqërisë. Nëse asnjëri prej ortakëve nuk e ushtron të drejtën e parablerjes në mënyrat e përcaktuara, ortaku ofrues mund të nënshkruajë aktin e shitjes së pjesës së tij në përputhje me dispozitat ligjore në fuqi.



## **NENI 7**

### **VENDIMET E ASAMBLESË SË ORTAKËVE**

Asambleja e Ortakëve vendos mbi çështjet që i rezervohen nga ligji ose nga ky Statut, si dhe mbi çështjet që njëri ose disa prej administratorëve i paraqesin për miratim. Ortakët gëzojnë të drejtën të thërrasin asamblenë e ortakëve në rastet dhe me shumicat e parashikuara me ligj. Janë në çdo rast në kompetencën e Asamblesë së ortakëve vendimet që kanë lidhje me:

- a) miratimin e pasqyrave financiare dhe shpërndarjen e fitimeve;
- b) emërimin, shkarkimin e administratorëve dhe përcaktimin e strukturës së organit administrative;
- c) ndryshimet e këtij Statuti;
- d) zmadhimin dhe zvogëlimin e kapitalit;
- e) ndryshimin e formës së shoqërisë ose ristrukturimin e saj;
- f) vendimet në lidhje me shpërndarjen e parakohshme të shoqërisë;
- g) marrjen dhe transferimin e pjesëmarrjeve në shoqëri të tjera;
- h) emërimin, shkarkimin dhe zëvendësimin e ekspertëve kontabël të autorizuar dhe likuiduesve duke përcaktuar në këtë rast kriteret e likuidimit;
- i) blerjen dhe shitjen e pasurive të paluajtshme;
- j) përcaktimin e shpërblimeve të administratorit/rëve;

## **NENI 8**

### **THIRRJA E ASAMBLESË SË ORTAKËVE**

Asambleja e ortakëve e thirrur rregullisht përfaqëson bashkësinë e ortakëve dhe vendimet e saj, të marra në përputhje me ligjin dhe këtë statut, janë të detyrueshme për të gjithë ortakët, edhe nëse këta mungojnë ose nuk janë të të njëtit mendim. Asambleja e ortakëve thirret me njoftim dërguar ortakëve në vendbanimin e tyre dhe në adresën e postës së tyre elektronike dhe i marrë prej këtyre të paktën 7 (shtatë) ditë përpara datës së caktuar për mbledhjen e asamblesë. Administratori i shoqërisë sigurohet që adresat e ortakëve janë të përditësuar në bazë vjetore në dosjen e kompanisë. Në njoftimin e thirrjes duhet të tregohen vendi, dita dhe ora e mbledhjes dhe lista e çështjeve në rend të ditës. Në rast mosrespektimi të formaliteteve të mësipërme, asambleja do të konsiderohet e thirrur rregullisht vetëm nëse është e përfaqësuar tërësia e kapitalit themeltar dhe asnjë nuk kundërshton diskutimin e çështjeve në rend të ditës. Asambleja drejtohet nga Administratori. Drejtuesi i Asamblesë konstaton mbledhjen e rregullt të saj, verifikon identitetin dhe legjitimitetin e të pranishmëve, drejton dhe garanton zhvillimin e rregullt të asamblesë si dhe verifikon dhe shpall rezultatet e votimeve.

Mbledhjet e Asamblesë së ortakëve mund të mbahen edhe nëpërmjet video-konferencës dhe tele-konferencës, me kusht që të gjithë pjesëmarrësit të mund të identifikohen dhe të dallohen në çdo moment të lidhjes, dhe t'u lejohet të ndjekin diskutimin, të marrin, dërgojnë dhe vëzhgojnë dokumentat, të ndërhyjnë gojarisht dhe në kohë reale mbi të gjitha çështjet,



si dhe të marrin pjesë në votim dhe të vendosin, në mënyrë të tillë që të mund të garantohet metoda kolegjiale dhe zbatimi i parimeve të mirëbesimit dhe barazisë së trajtimit të ortakëve. Në prani të kushteve të mësipërme, asambleja e ortakëve konsiderohet e mbajtur në vendin në të cilin gjendet drejtuesi i saj. Çdo ortak ka të drejtën e pjesëmarrjes dhe të votës në asamblenë përpjestim me pjesëmarrjen që zotëron në kapitalin themeltar. Ortakët mund të përfaqësohen në asamble nga persona të tjerë nëpërmjet prokurës së posaçme. Prokura është e vlefshme vetëm për asamblenë për të cilën lëshohet, të identifikuar sipas rendit të ditës. Vota duhet të jetë e hapur ose gjithsesi të shprehet me modalitete të tilla që bëjnë të mundur identifikimin e ortakëve që nuk janë të njëjtit mendim. Modalitetet e votimit miratohen nga asambleja e ortakëve me shumicën e të pranishmëve, mbi propozim të administratorit. Në rast se nuk parashikohet ndryshe me ligj, pjesët e kapitalit themeltar për të cilat nuk mund të ushtrohet e drejta e votës do të llogariten për efekt të kuorumit të nevojshëm për mbledhjen e vlefshme të asamblesë. Vendimet e asamblesë së ortakëve duhet të pasqyrohen në procesverbalin e mbledhjes, të nënshkruar nga drejtuesi. Procesverbalit të asamblesë i bashkangjitet lista e pjesëmarrësve dhe njoftimet e thirrjes.

## **NENI 9**

### **ADMINISTRIMI I SHOQËRISË**

Asambleja e Përgjithshme emëron një ose më shumë persona fizikë si administratorë të shoqërisë. Asambleja e ortakëve mund të vendosë shkarkimin e administratorit me shumicë të zakonshme. Kohëzgjatja e mandatit të Administratorit/ëve është 5 (pesë) vjet, me të drejtë ri-emërimi. Administrator i shoqërisë është **Z.Hauard MALO**, shtetas shqiptar, lindur më 23.12.1995, në Tirane, banues në Tirane, mbajtës i dokumentit Kartë Identiteti me nr. Personal J512230470, madhor e me zotësi të plotë juridike e për të vepruar.

## **NENI 10**

### **KOMPETENCAT E ADMINISTRATORËVE**

Administratori ka të gjitha kompetencat për administrimin e zakonshem te shoqërisë, me përjashtim të vendimeve që ligji, akti i themelimit dhe statuti i rezervojnë asamblesë së ortakëve.

Administratori gëzon të drejta dhe fuqi të plota për kryerjen e çdo veprimi dhe/ose operacioni që vlerëson të dobishëm për realizimin e objektit të shoqërisë. Përpos asaj çka parashikohet nga ligji administratori ka detyrën e kryerjes së veprimeve të mëposhtme:

- a) hartimin e pasqyrave financiare, të llogarive vjetore dhe raportit me shkrim mbi administrimin, në mbyllje të çdo viti financiar;
- b) hartimin e projekteve të bashkimit ose ndarjes së shoqërisë;
- c) të informojë asamblenë mbi zbatimin e politikave tregtare dhe realizimin e operacioneve tregtare me rëndësi për shoqërinë;
- d) të raportojë përpara asamblesë së ortakëve mbi faktet që mund të kenë pasoja negative mbi ecurinë apo ekzistencën e shoqërisë;





e) të thërrasë asamblenë e ortakëve në rastet e parashikuara me ligj;  
Administratorët mund të delegojnë përfaqësues të posaçëm për kryerjen e akteve të veçanta ose të një kategorie aktesh, duke përcaktuar kompetencat përkatëse.

#### **NENI 11**

##### **PËRFAQËSIMI**

Administratori ka të drejtën e përfaqësimit të shoqërisë kundrejt të tretëve dhe në gjykim. Ai mund të caktojë avokatë dhe përfaqësues të shoqërisë përpara organëve gjyqësore, organeve të administratës shtetërore dhe të tretëve, si dhe përfaqësues të posaçëm për akte të veçanta ose kategori aktesh. E drejta e firmës së shoqërisë mund të ushtrohet edhe nga personat të cilëve u është deleguar kjo e drejtë brenda kufijve të kompetencave të dhëna. Administratori ka të drejtën e rimbursimit të shpenzimeve të bëra gjatë ushtrimit të funksioneve si dhe një shpërblim vjetor të përcaktuar nga asambleja e ortakëve në momentin e emërimit ose me vendim të posaçëm. Në çdo rast shpërblimi i administratorit duhet të jetë i pershtatshëm dhe në përputhje me detyrat e administatoreve dhe me gjendjen financiare të shoqërisë. Nëse shoqëria është në vështirësi financiare, asambleja përgjithësisht mund të vendosë reduktimin e shpërblimit të administatoreve në masën e pershtatshme.

#### **NENI 12**

##### **PERSONELI I SHOQËRISË**

Për punonjësit që do të punesohen, maredheniet juridike midis shoqërisë dhe të punësuarve rregullohen nëpërmjet kontratës së punës në përputhje me dispozitat ligjore në fuqi dhe veçanërisht të Kodit të Punës.

#### **NENI 13**

##### **VITI USHTRIMOR DHE PASQYRAT FINANCIARE**

Viti ushtrimor mbyllet në 31 dhjetor të çdo viti.

Në mbyllje të çdo viti ushtrimor, organi administrativ harton pasqyrat financiare të vitit ushtrimor, brenda afateve dhe në përputhje me dispozitat e ligjit. Bilanci mund t'u paraqitet ortakëve për miratim brenda njëqindetëtdhjetëditëve nga mbyllja e vitit ushtrimor. Dokumentat e kontabilitetit, të shoqëruara nëse e nevojshme nga relacioni i ekspertëve kontabël të autorizuar, duhet t'u komunikohen ortakëve dhe të vihen në dispozicion të tyre pranë selisë së shoqërisë, të paktën 15 ditë përpara datës së mbledhjes së asamblesë.

#### **NENI 14**

##### **FITIMET**

Fitimet që rezultojnë nga viti ushtrimor do të shpërndahen ndërmjet ortakëve pasi të jenë zbritur nga kjo shumë vlera e humbjeve të pësuar gjatë vitit ushtrimor. Ortaket synojnë që shpërndarjet e fitimit të jenë vjetore, përveç rasteve kur vendimi i ortakëve është unanim për akumulimin e fitimeve.



Pjesa që mbetet pas zbritjes së zërave të mësipërm, do t'u shpërndahet pronarëve të kuotave të kapitalit themeltar përpjestimisht me pjesëmarrjet e tyre, në përputhje me dispozitat ligjore në fuqi, me përjashtim të destinimit të ndryshëm të vendosur nga vetë ortakët.

#### **NENI 15**

##### **FINANCIMI I ORTAKËVE**

Shoqëria mund të marrë nga ortakët financime me ose pa shpërblim, në përputhje me dispozitat ligjore në fuqi. Dhënia e këtyre financimeve nga ana e ortakëve është e lirë. Cdo financim nga ana e ortakëve duhet të shoqërohet me kontratë të nënshkruar mes palëve dhe të jetë aprovuar nga asambleja e ortakëve.

#### **NENI 16**

##### **KONTROLLI I SHOQËRISË**

Në shoqëri kontrolli ushtrohet nga një Auditues Ligjor (Ekspert Kontabël i Autorizuar). Emërimi i Audituesit Ligjor bëhet nga asambleja e përgjithshme, në përputhje me dispozitat ligjore në fuqi për auditimin.

#### **NENI 17**

##### **SHPËRNDARJA DHE LIKUIDIMI I SHOQËRISË**

Shpërndarja e parakohshme e shoqërisë vendoset nga asambleja e ortakëve me shumicat e parashikuara për ndryshimin e këtij statuti, në rastet e parashikuara nga ligji.

Në rast se realizohet ndonjëri nga shkaqet që sjell shpërndarjen e shoqërisë, asambleja e ortakëve, me vendim të posaçëm të marrë gjithmonë me shumicat e parashikuara për ndryshimin e statudit, do të përcaktojë modalitetet e likuidimit dhe do të emërojë një ose disa likuidatorë duke përcaktuar njëkohësisht edhe kompetencat përkatëse. Shoqëria mund të anultojë në çdo moment gjendjen e likuidimit, me vendim të asamblesë të marrë me shumicat e parashikuara për ndryshimin e këtij statuti.

#### **NENI 16**

##### **ZGJIDHJA E MOSMARRËVESHJEVE**


Mosmarrëveshjet që mund të lindin ndërmjet ortakëve ose ndërmjet ortakëve dhe shoqërisë dhe që ka lidhje me të drejta të disponueshme në lidhje me marrëdhëniet e tyre do t'i drejtohen për zgjidhje Gjykatës së Rrethit Gjyqësor Tiranë.

#### **NENI 17**

##### **LEGJISLACIONI I ZBATUESHËM**

Gjithçka që nuk është parashikuar shprehimisht në këtë statut do të disiplinohet nga dispozitat ligjore në fuqi në Republikën e Shqipërisë.

#### **NENI 18**



**DISPOZITA FINALE**

Ky statut u hartua në 2 (dy) kopje të njëjta në gjuhën Shqipe.

Lexuar, pranuar dhe nënshkruar nga Ortaku themelues I shoqërisë.

**ORTAKU THEMELUES**

**“MET INVEST” Sh.p.k**

**Përfaqësuar nga  
Hauard Malo**

